

ხელშეკრულება სახელმწიფო შესყიდვის შესახებ N05/20

პენიტენციური სისტემის მართვა და ბრალდებულთა/მსჯავრდებულთა ყოფითი პირობების გაუმჯობესება 260201
ელექტრონული ტენდერი აუქციონის გარეშე NAT210007014

ქ. თბილისი

11 მაისი 2021 წელი

საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება - სპეციალური პენიტენციური სამსახური (შემდგომში „შემსყიდველი“) წარმოდგენილი ეკონომიკური დეპარტამენტის უფროსის - იულია ტყეშელაშვილის სახით და მეორე მხრივ, შპს „სერვის კო“ (შემდგომში „მიმწოდებელი“) წარმოდგენილი დირექტორის მარგო კუბლაშვილის სახით, „სახელმწიფო შესყიდვების შესახებ“ საქართველოს კანონის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის 33-ე მუხლის და ელექტრონული ტენდერის აუქციონის გარეშე (NAT210007014) ვდებთ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს სპეციალური პენიტენციური სამსახურის საჭიროებისათვის საყოფაცხოვრებო საოჯახო ტექნიკის შეკეთების მომსახურების შესყიდვა (CPV50500000 - ტუმბოების, სარქველების, ონკანებისა და ლითონის კონტეინერების, ასევე, მანქანა-დანადგარების შეკეთება და ტექნიკური მომსახურება).

2. შესყიდვის ობიექტი

2.1. შესყიდვის ობიექტია საყოფაცხოვრებო საოჯახო ტექნიკის შეკეთების მომსახურება.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს არაუმეტეს **15 000.00 (თხუთმეტი ათასი ლარი და 00 თეთრი) ლარს**, საქართველოს კანონმდებლობით გათვალისწინებული ყველა შესაბამისი გადასახადის ჩათვლით.

3.2. პრეისკურანტის ჯამური ღირებულება შეადგენს **8 747.18 (რვა ათას შვიდას ორმოცდაშვიდი ლარი და 18 თეთრი) ლარს**.

3.3. მომსახურების ერთეულის და საერთო ფასები განსაზღვრულია ხელშეკრულების დანართი N1-ით (პრეისკურანტი - 2 ფურცელი), რომელიც თან ერთვის ხელშეკრულებას და წარმოადგენს ხელშეკრულების განუყოფელ ნაწილს.

4. მომსახურების ხარისხი, გარანტია, მიწოდების ვადა, ადგილი და პირობები

4.1. მიმწოდებელი იძლევა გარანტიას, რომ მომსახურება იქნება მაღალი ხარისხის, უპასუხებს ხელშეკრულების პირობებს და დააკმაყოფილებს დანართი N1-ით (პრეისკურანტი) განსაზღვრულ მოთხოვნებს.

4.2. მომსახურების გაწევა უნდა განხორციელდეს შემსყიდველის მოთხოვნის შესაბამისად, ხელშეკრულების გაფორმებიდან 2021 წლის 31 დეკემბრის ჩათვლით.

4.3. კონკრეტული შეცვლილი დეტალისა და გაწეული მომსახურების საგარანტიო ვადა შეადგენდეს მიღება-ჩაბარების აქტის გაფორმებიდან 1 (ერთი) თვეს.

4.4. საგარანტიო პერიოდში მიმწოდებელი ვალდებულია საკუთარი ხარჯით უზრუნველყოს ხარვეზის აღმოფხვრა და მომსახურების გაწევა (მათ შორის ანაზღაუროს/გადაიხადოს კომპიუტერული ტექნიკის და პერიფერიული მოწყობილობების სერვისის ხარჯები).

4.5. მიმწოდებელმა უნდა უზრუნველყოს შეტყობინების მიღებიდან არაუმეტეს 2 (ორი) სამუშაო დღეში ადგილზე გამოცხადება, ხოლო მარტივი დაზიანების აღმოფხვრა უნდა განხორციელდეს ადგილზე გამოცხადებიდან არაუგვიანეს 5 (ხუთი) სამუშაო დღეში.

4.6. იმ შემთხვევაში თუ აუცილებელია დაზიანებული ტექნიკის ნაწილის შეცვლა და აღნიშნულთან დაკავშირებით შედგა დეფექტური აქტი, შეცვლა უნდა განხორციელდეს არაუგვიანეს 20 (ოცი) კალენდარულ დღეში.

4.7. იმ შემთხვევაში თუ შესაცვლელი ნაწილი დეფიციტურია (დეფიციტურად არ მიიჩნევა ნაწილი, რომელიც საქართველოს ტერიტორიაზე გაყიდვაში აქვს ერთ მიმწოდებელს მაინც) მის შესაკეთებლად განისაზღვრება გონივრული ვადა, მაგრამ არაუმეტეს 20 (ოცი) სამუშაო დღე.

4.8. ვიზუალური დათვალიერების დროს, თვალსაჩინო ნაკლის აღმოჩენისას ან/და ტექნიკური წუნის შემთხვევაში შემსყიდველი დაუყონებლივ აცნობებს შემსრულებელს აღმოჩენილი ნაკლის შესახებ. მიმწოდებელი ვალდებულია უზრუნველყოს წუნის გამოსწორება საკუთარი ხარჯებით შეტყობინების მიღებიდან 5 (ხუთი) კალენდარული დღის განმავლობაში.

5. მომსახურების მიღება-ჩაბარების წესი

5.1. მომსახურება ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტისა და ინსპექტირების აქტის გაფორმების შემდეგ.

5.2. მიღება-ჩაბარების აქტს ხელს აწერენ შემსყიდველის მხრიდან სპეციალური პენიტენციური სამსახურის ეკონომიკური დეპარტამენტის მომარაგების სამმართველოს I კატეგორიის უფროსი სპეციალისტი გოჩა მაღლაკელიძე ან/და სპეციალური პენიტენციური სამსახურის ეკონომიკური დეპარტამენტის მომარაგების სამმართველოს I კატეგორიის უფროსი სპეციალისტი ნონა კაპანაძე, ხოლო მიმწოდებლის მხრიდან დირექტორი ან/და მის მიერ უფლებამოსილი პირი.

5.3 მიღება-ჩაბარების აქტით დადასტურდება გაწეული მომსახურების ფაქტიური მიწოდება, ხოლო გაწეული მომსახურების ხელშეკრულების პირობებთან შესაბამისობის დადასტურება მოხდება ინსპექტირების აქტით.

6. ანგარიშსწორების პირობები

6. ანგარიშსწორების პირობები

6.1. მიმწოდებელთან ანგარიშსწორება განხორციელდება ეროვნულ ვალუტაში ფაქტობრივად მიწოდებული შესყიდვის ობიექტის მიხედვით.

6.2. ხელშეკრულებით განსაზღვრული შესყიდვის ობიექტის ღირებულების ანაზღაურება მოხდება უნაღდო ანგარიშსწორების ფორმით.

6.3. ანგარიშსწორების განხორციელებისათვის მიმწოდებელმა უნდა წარადგინოს ხელშეკრულების 5.1 ქვეპუნქტში მითითებული მიღება-ჩაბარების აქტი, ინსპექტირების აქტი, სასაქონლო ზედნადები და საგადასახადო ანგარიშფაქტურა (კანონმდებლობით დადგენილ შემთხვევებში).

6.4. ანგარიშსწორება შემსყიდველის მიერ მოხდება მიმწოდებლის მიერ ამ ხელშეკრულების 6.3. ქვეპუნქტით განსაზღვრული დოკუმენტაციის წარმოდგენიდან 10 (ათი) სამუშაო დღის ვადაში.

6.5. შემსყიდველი უფლებამოსილია დაკისრებული პირგასამტეხლოს თანხა (ასეთის არსებობის შემთხვევაში) დააკავოს მიმწოდებელზე გადასარიცხი თანხიდან.

6.6. მიმწოდებელმა ანგარიშსწორების განხორციელებისათვის 6.3. ქვეპუნქტში მითითებული დოკუმენტაცია თუ არ წარუდგინა შემსყიდველს შესყიდვის ობიექტის მიწოდების დამთავრების მეორე დღიდან 3 (სამი) თვის განმავლობაში, მიმწოდებელი 3 (სამი) თვის გასვლის შემდეგ კარგავს მიწოდებულ შესყიდვის ობიექტზე თანხის მოთხოვნის უფლებას შემსყიდველისათვის დოკუმენტაციის წარუდგენლობის გამო.

6.7. დაფინანსების წყარო: **2021 წლის სახელმწიფო ბიუჯეტი.**

7. მხარეთა ვალდებულებები და უფლებები

7.1. შემსყიდველი ვალდებულია:

- ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- ბ) უზრუნველყოს უნაკლო მომსახურების მიღება.

7.2. შემსყიდველს უფლება აქვს:

მომსახურების მიღება/ჩაბარების დროს ჩაატაროს შემოწმება/კონტროლი (ლაბორატორიული კვლევა ან უფლებამოსილი სპეციალისტის/ექსპერტის დასკვნა) მიწოდებული მომსახურების ხარისხისა და რაოდენობის ხელშეკრულებასთან და დანართი N1-თან (პრეისკურანტი) შესაბამისობის დადგენის მიზნით.

7.3. მიმწოდებელი ვალდებულია:

- ა) მიაწოდოს შემსყიდველს ხელშეკრულებით და მისი დანართით გათვალისწინებული რაოდენობისა და ხარისხის მომსახურება;

- ბ) დაიცვას ხელშეკრულებით და დანართით გათვალისწინებული ყველა პირობა;

- გ) შემსყიდველს გაუწიოს უნაკლო მომსახურება;

- დ) შემსყიდველს მიაწოდოს ხელშეკრულების 6.3. ქვეპუნქტში მითითებული ყველა დოკუმენტი;

- ე) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგძლივობის და გამომწვევი მიზეზების შესახებ.

7.4. მიმწოდებელს უფლება აქვს:

მოსთხოვოს შემსყიდველს მომსახურების ღირებულების ანაზღაურება წინამდებარე ხელშეკრულებით გათვალისწინებული პირობებით.

8. მხარეთა პასუხისმგებლობა ხელშეკრულების დარღვევისას

8.1. ხელშეკრულების პირობების არაჯეროვანი შესრულების შემთხვევაში (არაჯეროვან შესრულებაში არ ჩაითვლება საგარანტიო პირობებით გათვალისწინებული შემთხვევები), მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

8.2. მომსახურების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,02 %-ის ოდენობით.

8.3. ხელშეკრულების დანართი N-1ით გათვალისწინებული რაოდენობის მომსახურების მიუწოდებლობის შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

8.4. ინსპექტირებისას აღმოჩენილი დეფექტის, ნაკლის გამოსწორებისათვის ან/და შეცვლისათვის მიმწოდებელმა თუ გადააცილა ხელშეკრულებით გათვალისწინებულ ვალდებულების შესრულების საერთო ვადას მიმწოდებელს ეკისრება პირგასამტეხლო ყოველ ვადაგადაცილებულ დღეზე მიუწოდებელი შესყიდვის ობიექტის ღირებულების 0,02 %-ის ოდენობით.

8.5. ხელშეკრულებით აღებული ვალდებულების შეუსრულებლობისათვის მიმწოდებელს ეკისრება პირგასამტეხლო ხელშეკრულების საერთო ღირებულების 10 %-ის ოდენობით.

9. ხელშეკრულების მოქმედების ვადა

9.1. ხელშეკრულების მოქმედების ვადა განისაზღვრება მხარეთა შორის წარმოშობილ სამართლებრივ ურთიერთობებზე ხელშეკრულების თავში მითითებული თარიღიდან 2022 წლის 31 იანვრის ჩათვლით, ხოლო ხელშეკრულების 4.3. ქვეპუნქტით განსაზღვრულ ურთიერთობებზე ხელშეკრულება მოქმედებს გარანტიის ვადით.

10. ხელშეკრულების პირობების გადასინჯვის შესაძლებლობა

10.1. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

10.3 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

10.4 ხელშეკრულებაში ნებისმიერი ცვლილება დაიშვება მხოლოდ მხარეთა წერილობითი შეთანხმებით.

10.5 წინასწარ გაუთვალისწინებელი მიზეზების გამო თუ წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს ნებისმიერი ინფორმაცია ცვლილების შესახებ და ცვლილება ხელშეკრულებაში შეტანილად ჩაითვლება მეორე მხარის მიერ ცვლილებაზე ხელმოწერის შემდგომ.

10.6 ხელშეკრულებაში ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

11. დაუძლეველი ძალა (ფორს-მაჟორი)

11.1. მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ წინამდებარე ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, გარემოებათა დასრულების შემდეგ.

11.2. ფორს-მაჟორული გარემოებების დადგომის შემთხვევაში, ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს წინამდებარე ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11.4. ფორს-მაჟორული გარემოების არსებობა დადასტურებული უნდა იყოს კომპეტენტური სახელმწიფო ორგანოს მიერ.

12. ხელშეკრულების ინსპექტირების პირობები

12.1. შემსყიდველი უფლებამოსილია განახორციელოს ინსპექტირება მომსახურების მიწოდების პერიოდში ან შემდგომ.

12.2. ინსპექტირებისას ხილვადი დეფექტის, ნაკლის ასევე უხარისხოდ შესრულებული სამუშაოს აღმოჩენის შემთხვევაში ინსპექტირების განმხორციელებელმა უნდა შეადგინოს ინსპექტირების აქტი და წარუდგინოს შემსყიდველს შემდგომი რეაგირებისათვის.

- 12.3. ვიზუალური დათვალიერების დროს, ხილვადი დეფექტის ან/და ნაკლის აღმოჩენის შემთხვევაში, შემსყიდველი ვალდებულია დაუყოვნებლივ წერილობით ან/და სატელეფონო შეტყობინებით აცნობოს მიმწოდებელს აღმოჩენილი დეფექტის, ნაკლის შესახებ და მოსთხოვოს ნაკლის, დეფექტის გამოსწორება ან შეცვლა.
- 12.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს.
- 12.5. შემსყიდველის მხრიდან ხელშეკრულების შესრულების ინსპექტირებას განახორციელებს სპეციალური პენიტენციური სამსახურის ეკონომიკური დეპარტამენტის მომარაგების სამმართველოს I კატეგორიის უფროსი სპეციალისტი გოჩა მაღლაკელიძე ან/და სპეციალური პენიტენციური სამსახურის ეკონომიკური დეპარტამენტის მომარაგების სამმართველოს I კატეგორიის უფროსი სპეციალისტი ნონა კაპანაძე.

13. ხელშეკრულების შეწყვეტა

- 13.1.შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისთვის ვალდებულების შეუსრულებლობის ან არაჯეროვნად შესრულების შესახებ წერილობითი შეტყობინების გაგზავნის შემდეგ, თუ:
- ა) მიმწოდებელს ხელშეკრულებით გათვალისწინებულ ვადებში არ შეუძლია მთლიანად ან ნაწილობრივ ხელშეკრულებით ნაკისრი ვალდებულების შესრულება.
 - ბ) მიმწოდებელს არ შეუძლია ხელშეკრულებით გათვალისწინებული რომელიმე ვალდებულების შესრულება.
 - გ) მიმწოდებელი ხელშეკრულებით გათვალისწინებული პირობების დარღვევისათვის ხელშეკრულების მოქმედების პერიოდში დაჯარიმებულ იქნა სამჯერ.
 - დ) შემსყიდველისთვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას.
 - ე) ხელშეკრულების ვადის გასვლის საფუძველზე.
 - ვ) ურთიერთშეთანხმების საფუძველზე.
- 13.2. ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

14. დავები და მათი გადაწყვეტის წესი

- 14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 14.2. შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობით დადგენილი წესით.

15. სხვა პირობები

- 15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.
- 15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 15.4. ხელშეკრულება შედგენილია ქართულ ენაზე ელექტრონულად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16. მხარეთა რეკვიზიტები

შემსყიდველი	მიმწოდებელი
საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება-სპეციალური პენიტენციური სამსახური მის: ქ. თბილისი, ზურაბ ანჯაფარიძის N27, საიდენტიფიკაციო კოდი: 205360223, სახელმწიფო სახაზინო კოდი: TRESGE22, ა/ა GE24NB 0330 1002 0016 5022 ეკონომიკური დეპარტამენტის უფროსი	შპს „სერვის კო“ მის: ქ. თბილისი, ლავრენტი ბერიას ქუჩა N24. საიდენტიფიკაციო კოდი: 420431296 საბანკო რეკვიზიტები: სს „თიბისი ბანკი“, ბანკის კოდი: TBCBGE22 ა/ა GE59TB7568236080100013 ტელ: 598500059 დირექტორი
/იულია ტყემელაშვილი/	/მარგო კუბლაშვილი/

დანართი N1 (პრეისკურანტი)

საყოფაცხოვრებო-საოჯახო ტექნიკის შეკეთების მომსახურება სარეცხი მანქანის შეკეთება და ტექნიკური მომსახურება (ყველა მოდელი 5-9კვ)				
N	სათადარიგო ნაწილის დასახელება	განზომილება	სათადარიგო ნაწილის ფასი (ლარი)	გასაწევი მომსახურების (სათადარიგო ნაწილის შეკეთება-შეცვლა) ფასი (ლარი)
1	საქაჩი	ცალი	72.14	0.00
2	სალნიკი	ცალი	16.21	24.32
3	სარქველი	ცალი	26.75	35.67
4	კარის საკეტი	ცალი	60.80	40.53
5	ღვედი	ცალი	40.53	32.42
6	ფხვნილის უჯრა	ცალი	32.42	28.37
7	ტენი	ცალი	89.17	40.53
8	დოლურა	ცალი	133.75	60.80
9	მთავარი პლატა	ცალი	121.59	56.74
10	რკინის ამოღება ბარაზნიდან (დაუშლულიდ)	ცალი	0.00	32.42
11	ჩანგალი	ცალი	8.11	8.11
12	ფილტრების გაწმენდა	ცალი	0.00	28.37
13	საქაჩის გაწმენდა	ცალი	0.00	36.48
14	ფხვების დარეგულირება	ცალი	0.00	28.37
15	კარის საკეტის დარეგულირება	ცალი	0.00	28.37
16	ღვედის დარეგულირება	ცალი	0.00	28.37
17	ხმაურის აღმოფხვრა	ცალი	0.00	40.53
18	კარის დარეგულირება	ცალი	0.00	28.37
19	პროსტატის მილის გაწმენდა	ცალი	0.00	40.53
20	სადენში მოკლე ჩართვის აღმოფხვრა	ცალი	0.00	40.53
21	წყლის გამანაწილებელი მექანიზმის დარეგულირება	ცალი	0.00	28.37
22	ფხვნილის უჯრის დარეგულირება	ცალი	0.00	20.27
23	ამორტიზატორი	ცალი	32.42	32.42
24	ფხვნილის უჯრის მილი	ცალი	24.32	20.27
25	ნახშირების შეცვლა ელექტროძრავზე	ცალი	26.75	36.48
26	ელექტროძრავა	ცალი	121.59	56.74
27	ბარაზნის ხაშუთი	ცალი	8.11	8.11
28	ბაკის რეზინა	ცალი	8.11	8.11
29	ელექტრონული პლატა	ცალი	121.59	56.74
30	პროგრამული გადართველი	ცალი	56.74	40.53
31	თერმოსტატი	ცალი	52.69	36.48
32	წინა სიმძიმის საპირფონე	ცალი	8.11	8.11
33	ძრავის (ტახომეტრის) გამართვა	ცალი	0.00	56.74
34	ზედა სიმძიმის საპირფონე	ცალი	8.11	8.11
35	სარეცხის ამოტანა ბარაზნიდან	ცალი	0.00	40.53
36	ელ.გაყვანილობის კომპლექტი	ცალი	8.11	8.11
37	ბარაზნის ფარდა	ცალი	49.45	36.48
38	ბარაზნის საკისარი	ცალი	20.27	40.53
39	ბარაზანი	ცალი	121.59	72.95
40	საქაჩის შეცვლა	ცალი	0.00	40.53
41	კლაპანი	ცალი	32.42	32.42
42	პროგრამა		0.00	48.64
43	დიაგნოსტიკა		0.00	36.48
სულ ჯამი:			1301.82	1433.95
			2735.78	

სარეცხის საშრობი მანქანის შეკეთება და ტექნიკური მომსახურება (ყველა მოდელი 5-9კვ)				
N	სათადარიგო ნაწილის დასახელება	განზომილება	სათადარიგო ნაწილის ფასი (ლარი)	გასაწევი მომსახურების (სათადარიგო ნაწილის შეკეთება-შეცვლა) ფასი (ლარი)
1	მარცხენელი (დარკები)	ცალი	52.69	40.53
2	ტენი	ცალი	101.33	48.64
3	საქაჩი	ცალი	89.17	32.42
4	მთავარი პლატა	ცალი	162.12	72.14
5	ბარაზანი (შიდა ან გარე)	ცალი	218.86	72.14
6	საკისარი	ცალი	36.48	40.53
7	ჰერმეტიკი სახურავის შეკეთება	ცალი	0.00	64.85
8	სალნიკი	ცალი	32.42	40.53
9	ჩანგალი	ცალი	8.11	12.16
10	ამორტიზატორი ფხვნილის უჯრის მილი	ცალი	32.42	40.53
11	ელექტრო ძრავი	ცალი	121.59	56.74
12	ბარაზნის ხაშუთი	ცალი	8.11	12.16
13	ბაკის რეზინა	ცალი	8.11	12.16
14	ნახშირები ელექტრო ძრავზე	ცალი	48.64	36.48
15	პროგრამული გადართველი	ცალი	133.75	44.58
16	თერმოსტატი	ცალი	52.69	40.53
17	წინა სიმძიმის საპირფონე	ცალი	8.11	12.16
18	ზედა სიმძიმის საპირფონე	ცალი	8.11	12.16
19	ელ.გაყვანილობის კომპლექტი	ცალი	8.11	12.16

20	ბარაზნის ფარდა	ცალი	52.69	36.48
21	ბარაზნის საკისარი	ცალი	36.48	40.53
22	დიაგნოსტიკა		0.00	44.58
23	მონტაჟი		0.00	105.38
			1219.95	930.57
სულ ჯამი:			2150.52	

მაგიერის შეკეთება და ტექნიკური მომსახურება				
N	სათადარიგო ნაწილის დასახელება	გაზომილობა	სათადარიგო ნაწილის ფასი (ლარი)	გასაწევი მომსახურების (სათადარიგო ნაწილის შეკეთება-შეცვლა) ფასი (ლარი)
1	კარის რეზინი	ცალი	64.85	48.64
2	კარის სახელური	ცალი	64.85	28.37
3	თაროს, უჯრა	ცალი	48.64	28.37
4	კარი	ცალი	129.70	32.42
5	კარის ანჯამა	ცალი	32.42	32.42
6	წყლის ფილტრი	ცალი	36.48	48.64
7	წყლის მილი მაგივარში	ცალი	16.21	40.53
8	წყლის მილი მაგივრამდე	ცალი	16.21	40.53
9	ელ.გაყვანილობის შეკეთება	ცალი	0.00	48.64
10	ხმაურის აღმოფხვრა	ცალი	0.00	48.64
11	სენსორი	ცალი	32.42	56.74
12	თერმო დამიკი	ცალი	72.95	56.74
13	ლღვობის დამიკი	ცალი	64.85	48.64
14	ტრანსფორმატორი	ცალი	56.74	40.53
15	რადიატორი	ცალი	56.74	48.64
17	ტენი	ცალი	64.85	32.42
19	თერმორეგულატორი	ცალი	72.95	56.74
20	ვერტიკალტორი	ცალი	64.85	52.69
21	რელე	ცალი	56.74	52.69
22	პლატა	ცალი	113.48	48.64
23	კონდენსატორი	ცალი	56.74	52.69
24	პლატის შეკეთება კომპონენტურ დონეზე (მოხსნა დაყენებით)	ცალი	0.00	97.27
25	მართვის პანელი	ცალი	64.85	40.53
26	დიაგნოსტიკა	ცალი	0.00	40.53
27	მშრალი ფილტრი	ცალი	52.69	40.53
28	კომპრესორი	ცალი	486.36	162.12
29	ფრეონი 134 (100გრ)	100 გრ	7.30	8.11
30	მაგიერის სისტემის გადაკეთება, რთული		0.00	97.27
31	ტაიმერი	ცალი	64.85	48.64
32	კომპრესორის რელე	ცალი	44.58	52.69
			1843.30	1532.03
სულ ჯამი:			3375.34	

წყლის დისპენსერის შეკეთება და ტექნიკური მომსახურება (ყველა მოდელი)				
N	სათადარიგო ნაწილის დასახელება	გაზომილობა	სათადარიგო ნაწილის ფასი (ლარი)	გასაწევი მომსახურების (სათადარიგო ნაწილის შეკეთება-შეცვლა) ფასი (ლარი)
1	დიაგნოსტიკა შეკეთების გარეშე	ცალი	0.00	56.74
2	ფრეონით დამატება, დატუმბვა რთული(100გრ.)	ცალი	7.30	8.11
3	კომპრესორის შეცვლა - რთული (ფრეონის გარეშე)	ცალი	178.33	81.06
4	ნებისმიერი შეკეთება გარდა რთული კატეგორიის	ცალი	0.00	56.74
			185.63	202.65
სულ ჯამი:			388.28	

საყოფაცხოვრებო-საოჯახო ტექნიკის ტრანსპორტირება	გასაწევი მომსახურების ფასი (ლარი)
ქ.თბილისი, ქ.ბათუმი, ქ.ქუთაისი. ტრანსპორტირება გულისხმობს მიმწოდებლის მიერ შესაკეთებელი საოჯახო ტექნიკის შემსყიდველის მიერ მოთხოვნილი მისამართიდან სერვის ცენტრში ტრანსპორტირებას და შესაბამისად შეკეთებული ტექნიკის სერვის ცენტრიდან შემსყიდველის მიერ მოთხოვნილ მისამართზე მიტანას.	40.53
დაბა ქსანი და ქ.რუსთავი. ტრანსპორტირება გულისხმობს მიმწოდებლის მიერ შესაკეთებელი საოჯახო ტექნიკის შემსყიდველის მიერ მოთხოვნილი მისამართიდან სერვის ცენტრში ტრანსპორტირებას და შესაბამისად შეკეთებული ტექნიკის სერვის ცენტრიდან შემსყიდველის მიერ მოთხოვნილ მისამართზე მიტანას.	56.74
სულ ჯამი:	97.27
პრეისკურანტის ჯამური ღირებულება სულ:	8,747.18